



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ein hundert Vnwarheytt/ Beneben Achtzehnen vnd mehrern
verfaelschungen der Schrifft/ vnd Viertzigen
vngeschickten Consequentzen So in den ersten sibben
kleinen Blettern/ von der halben Præfation ...**

Pistorius, Johann

Coelln, 1595

VD16 P 3043

VII.

urn:nbn:de:hbz:466:1-32834

V.

Nicht weniger ist eyn bosshafftē Verlehrung/ vnd offentliche Lugen/ daß wir Catholische im Sterben eyn falsch vertragen auff eygen Werck vnd Heyligkēyt setzen/ vnd nicht auff Gottes Gnad vnd Barmhertzigkēyt im Glauben an Christum abscheyden.

VI.

Derhalben lauter Bosshēyt ist/ daß er vnser Lehr vor verlegene vntüchtige Pharisäische Opinion aufgibt.

VII.

Es ist auch eyn bosshafftē Verlehrung/ daß er des Herren Zehenders so wenig denckt/ da er doch/ wann er seiner an ihn (Herrn Zehendern) abgangener vnd mit vnmensschlichen Calumnien vnd Lugen wider mich erfüllter Brieff andäncckig wurde/ sich seiner bösen Natur vnd Vngeschicklichkēyt billich schämen sollte/ Aber weil er solchen herrlichen Mann vnd eifferigen Lutheraner/ so all sein Lutherisch vertragen auff ihn gesteyffet/ nicht alleyn nicht bei dem Irthumb zuerhalten vermöcht/ Sondern auch wegen seiner liederlichen Antwort/ daß er sovil ehender Catholisch worden/ vrsach geben/ darff er zu verhütung mehern Spotts davon nicht vil anmelden.

VIII.

Ebenfalls ist eyn bosshafftē verschlagung/ daß er mein frommen Hochseligen Fürsten Marggraf Jacoben (dessen Fürstlichen Gnaden er dieses Geschmeiß zufertigen lassen/ vnd damit vom Catholischen Glauben abzuhalten verhofft) sich mit namen zu nennen schemmt/ Ohnzweiffel das er Hunnius damit sein schimpfflichen mit seiner ewigen Schmach/ Spott vnd Schandt gethanen fehl verdeckē will/ In dem er gedachte beyde Person/ Herrn Marggraf Jacoben seligen vnd Herrn Zehender mit vngעהurem schnauben/ vnd